



Pastor Tony Alamo

Ti Nakristianoan a Nasion ni Alamo

Libro 17400

TI ARMADA KEN PUERSA TI DIOS ITI TANGATANG (DAGITI TAGABANTAY)

ni Tony Alamo

Bimmangon iti nasapa ti adipen ni propeta Elisio, ket naobserbana a napalikmutan iti armada ti Siria ti ciudad nga ayanda ken ni Elisio. Iti nerbiyosna, imbagana ken ni Elisio, “Ayna, amongko! ania ti aramidentan? [Iti sabali a pagsasao, kasanota a makaruar a sibibiag iti daytoy a situasion? Ngarud imbaga ni Elisio iti adipenna.] Saan ka nga agbuteng: ta dagiti adda kadata ket ad-adu ngem dagiti adda kadakuada. Ket nagkararag ni Elisio [iti DIOS], APO, ikararagko KENKA, lukatam ti matana tapno makitana. Linukatan ti APO ti mata ti barito; ket nakitana: kitaenyo, ti bantay ket napno kadagiti kabayo ken kadagiti karuahe ti apoy nga adda iti aglawlaw ni Elisio” (2 Ar-ari 6:15-17).

Ti isu met laeng nga armada wenno buyot ti DIOS a dinawat ni Elisio iti DIOS a maipakita iti adipen ni Elisio ti armada wenno buyot ti DIOS a nangrebba iti alad ti Jerico (Josue 6:20). Naam-ammo ni Josue ti KAPITAN ti buyot ti APO idia Jericho iti kastoy a wagas: “Ket napasamak nga idi ni Josue ket adda iti asideg ti Jerico, intangadna ti matana ket nakitana ti tao a nakatakder a nakasango kenkuana a ti IMANA ket nakaiggem iti ESPADANA: ket napan ni Josue iti AYANNA, ket imbagana KENKUANA, MAIPAAYKA kadi para kadakami wenno para kadagiti kabusormi?



Da Pastor Tony ken Susan Alamo iti programada iti international a television naala ti litrato idi 1973

Ket KUNANA, SAAN; NGEM KAS KAPITAN ITI BUYOT TI APO [ni JESUS sakbay a naglasag] ISU NGA IMMAYAK ITA. Ket nagrukabab ni Josue iti daga, ken nagdayaw, ken imbagana KENKUANA, Ania ti ibaga ti APOK iti ADIPENNA? Ket imbaga ti KAPITAN ti buyot ti APO ken ni Josue, uksutem dayta sapatismo manipud dita sakam; ta ti lugar a pagtaktakderam ket Nasantoan. Ngarud inaramid daytoy ni Josue.

“Ti Jerico ket enteramente a naiserra gapu kadagiti annak ti Israel: awan ti rimrimwar, ken awan met ti immun-uneg. [Daytoy ket gapu ta ammoda a ti DIOS ket adda kadagiti Israel, ken ammoda met a dadaelen ida ti DIOS.] Ket imbaga ti DIOS ken ni Josue, Kitaem, inkabilko kadagita imam ti Jerico, ti ari nga adadiay, ken dagiti mamaingel a lallaki. Ket likmotenyo ti

siudad, amin kayo a lallaki ti gubat, likmotenyo ti siudad iti maminsan. Aramidenyo daytoy iti innem nga aldaw. [Daytoy ket tapno makilga dagiti managbasol a tattao ti Jerico sakbay ti naan-anay a pannakadadaelda.] Ken pito a papadi ti mangiggem sakbay iti lakasa iti pito a trumpeta manipud iti sara ti lalaki a karnero: ket iti maikapito nga aldaw likmotenyonto ti siudad iti mamimpito a daras, ket puyutento dagiti papadi dagiti trumpeta. Ket mapasamakto,

nga intono agaramidda iti atiddog a laaw babaen iti sara ti lalaki a karnero, ket intun mangnegda ti uni ti trumpeta, agpukawto amin a tao iti napigsa a pukkaw ket marbanto ti alad ti siudad a padeppes [daytoy ket maaramidto babaen iti saan a makita nga ima ti buyot ti APO], ket dagiti tattaonto ket sumang-atda iti tunggal tao diretso iti sangoananna.

“Ket inayaban ni Josue nga anak ni Nun dagiti papadi, ket kunana kadakuada, alaenyo ti lakasa ti tulag, ket bay-anyo a ti pito a padi ket agawit iti pito a trumpeta manipud iti sara ti lalaki a karnero sakbay ti lakasa ti APO. Ket imbagana kadagiti tattao, umun-unakayo ket likmotenyo ti siudad, ken bay-anyo a dagiti armado ket umun-una sakbay ti lakasa ti APO. Ket napasamak nga idi ni Josue ket nagsao kadagiti tattao, a

(Maituloy iti panid 2)

TI ARMADA KEN PUERSA TI DIOS ITI TANGATANG (DAGITI TAGABANTAY)

(Katuloy ti panid 1)

dagiti pito [Judio] a papadi nga agbagbagkat kadagiti pito a trumpeta manipud iti sara ti lalaki a karnero ket immun-unada sakbay ti APO, ken pinuyotda dagiti trumpeta: ket ti lakasa ti tulag ti APO ket simmurot kadakuada. Ket dagiti armado a lallaki napanda iti sakbay dagiti papadi a nagpuyot iti trumpeta, ket dagiti gwardia iti likudan simmarunoda iti likudan ti lakasa, dagiti papadi nagtultuloyda ken pinuyupuyotda dagiti trumpeta. Ket minandaran ni Josue dagiti tattao ket kunana, saankayto nga agpukpukaw, wenno agaramid iti aniaman a ringgor babaen iti bosesyo, uray pay ti saoyo saan koma a rumwar iti ngiwatyo, agingga iti aldaw nga ibagak nga agpukpukaw; ket agpukpukaw kayto.

“Ngarud ti lakasa ti Apo linikmotna ti ciudad, liklikmutenna iti maysa a daras: ket nakadanunda iti kampo, ken nagingdegda iti kampo. Ket ni Josue bimmangon a nasapa iti bigat, ket inala dagiti papadi ti lakasa ti Apo. Ken ti pito a papadi a mangbagbagkat iti pito a trumpeta manipud iti sara ti lalaki a karnero iti sangoanan ti lakasa ti APO nagtultuloyda a napan, ket pinuyotda dagiti trumpeta: ket dagiti armado a lallaki immuna iti sangoananda; ngem dagiti guardia iti likudan simmarunoda iti likudan ti lakasa ti APO, dagiti papadi nagtultuloyda, ken pinuyupuyotda dagiti trumpeta. Ket iti maikadua nga aldaw linikmotda ti ciudad iti naminsan, ken nagsublida iti kampo: ket inaramidda daytoy iti innem nga aldaw.

“Ket napasamak iti maikapito nga aldaw a bimmangonda a nasapa iti parbangon ti aldaw ken linikmotda ti ciudad a kas iti isu met laeng a wagas iti namimpito a daras: iti dayta laeng nga aldaw a linikmotda ti ciudad iti namimpito a daras. Ket napasamak iti maikapito a daras, idi a pinuyot dagiti papadi dagiti trumpeta, imbaga ni Josue kadagiti tattao nga agpukpukaw; ta inted ti APO kadakayo ti ciudad. Ket ilunodto ti Apo ti ciudad, uray ti bukodna ken amin nga adda iti unegna: ni laeng Rahab a balangkantis ti agbiag, isuna ken amin a kadwana iti balayna, gapu ta inlemmengna dagiti mensahero nga imbaonmi. Ket dakayo, iti aniaman a wagas, iyadayuyo dagiti bagbagiyo kadagiti bambanag a nailunod, ta

baka maaramidyo ti bagbagiyo a mailunod, intuno mangalakayo kadagiti nailunod a bambanag, ket maaramidyo ti kampo ti Israel a mailunod, ket mangiyumay kayo iti buribor ditoy. Ngem amin dagiti pirak, ken balitok ken dagiti banga a tanso ken landok, ket maikonsekrar iti APO: ket maiyapanda iti pagidulinan iti gameng ti APO.

“Isu a dagiti tattao nagpukpukawda idi a pinuyot dagiti papadi dagiti trumpeta: ket napasamak nga idi dagiti tattao nangngegda ti uni ti trumpeta, ken dagiti tattao nagpukpukawda iti napigsa a pukpukaw, ti pader ket narba a padeppes [daytoy ket inaramid iti buyot ti APO ken ti KAPITAN iti buyot ti APO], isu a dagiti tattao ngimmatoda iti ciudad, iti tunggal tao nagdiretso iti sangoananna, ket pinarmekda ti ciudad” (Josue 5:13-6:20)

Iti libro ni Enoch, ti naindaklan a propeta nga Enoch impadtona ti maipapan kadagiti tagabantay. Dagitoy a tagabantay ket dagiti angheles ti DIOS, ken isuda dagiti Nailangitan a buyot ti APO. No maminsan madakdakamatda a kas dagiti tagabantay nga angheles dagiti nasantoan a tattao ti DIOS ditoy lubong.

Adda dagiti dakes nga angheles, ken adda met dagiti naimbag nga angheles. Ti Paltiing 12:4 ibagana a kakatlo kadagitoy nga angheles—dagiti nadakes—ket napagtalaw manipud Langit a kadowada ti panguloda, ni Satanas a mismo (Lucas 10:18). Ngem laglagipentayo, dua a kapaset—dagiti naimbag—ket nagtalinaed iti serbisio ti DIOS. Dagiti dakes nga angheles, ti kakatlo, ket saanda laeng a dakes, ngem nadangkesda launay.

Ti Paltiing 12:3 ibagana, “Ket adda manen nagparang a sabali a siddaaw iti Langit; ket kitaenyo ti dakkal a nalabbaga a dragon [ti diablo], nga addaan iti pito nga ulo...” “Dagiti pito nga ulo ket dagiti pito a bantay [ti Roma, Italia], a pagtugtugawan ti babai” (Paltiing 17:9). Daytoy a babai ket ti palso a propeta, ti palso nga iglesia, ti kulto, ti ulo ti animal nga isu ti Vatica, ti Romano Katoliko, ti homoseksual, ti manangmolestia kadagiti ubbing nga iglesia.

Ti Paltiing 12:3 intuloyna nga imbaga a dagitoy pito nga ulo ket addaan iti sangapulo a sara. Dagitoy sangapulo a sara ket isimbolona ti sangapulo a nasion ti Europa a nangited iti pigsada iti Vatica ti Roma (U.N., Ti Baro nga Urnos ti Lubong) iti ababa laeng a paset ti panawen (ti maudi nga isu ti Greece), a nakikaysa iti Baro nga Urnos ti Lubong ni Satanas, wenno ti napamaysa

a gobierno ti lubong. “...Ken pito a korona kadagiti ulona [dagitoy pito a korona irepresentada ti Baro nga Urnos ti Lubong iti Diablo a temporario a mangimatmaton iti pito a kontinente, wenno iti sabali a sao, ti entero a lubong].”¹

“Ket innala ti ipusna ti kakatlo a paset dagiti bituen ti Langit [Dagiti bituen ket dagiti angheles.² Ti Paltiing 1:20 ibagana a dagiti bituen ket simbolo dagiti angheles], ken [ti dragon, ni Satanas] ket inalana [ti kakatlo dagiti nadadakes ken nademonioan nga angheles] ditoy lubong: ken ti dragon [ti diablo] nagtakder iti sibay ti babai [nga addaan iti duapulo a bituen iti koronana. Daytoy (ti babai) ket isu ti Nobia ni CRISTO, ti Baro a Jerusalem, nga isu ti literal a BAGI ni CRISTO ditoy lubong, ti pudno nga Israel, dagidiay a Kristiano, saan a dagiti Katoliko, a naggapo kadagiti pinili a tattao ti DIOS, dagiti Judio. Itan, inlukat ti DIOS ti pannakaisalakan para kadagiti tattao manipud iti amin a nasion a mangawat ken ni CRISTO kas pannakaisalakanda]” (Paltiing 12:4).

Ti Paltiing 12:4 ibagana a daytoy a babai (ti BAGI ni CRISTO) ket nakasagana a mangited iti anakna, nga isu ni CRISTO. Daytoy ket panangkita iti napalabas iti panawen idi a ni Satanas, babaen ken ni Ari Herodes ken ti armadana, ken nagtakder iti imatang ti Israel a mangdadael iti CRISTO iti PANNAKAIYANAKNA ken/ wenno dua tawen ken agpangato,³ gapu ta ti CRISTO ket isu idi ken isu pay laeng ti ARI dagiti ar-ari ken APO dagiti ap-apo, ti MANNUBBOT ti lubong, ISUNA a mangdadaelto kadagiti aramid ni Satanas babaen iti panangisalakanna kadagiti kararua ti amin a mangawat KENKUANA kas MANNUBBOTDA ken autoridad.⁴ Ti Colosas 2:15 ibagana a ni CRISTO, “dinadaelna dagiti prinsipalidad ken pannakabalin...imparadana ida a silulukat, iti panagballigina a maibusor kadakuada.”

Dagitoy ti maud-udin nga al-aldaw.⁵ Ti lubong ket napno kadagiti armada ti DIOS, ket ti tangatang ket napno kadagiti puerisa a pangtangatang ti DIOS. Isu dagitoy dagiti UFO a nakita dagiti minilmilion a tattao iti entero a lubong. Gapu ta dagiti tattao ti lubong ket ignorante iti SAO ti DIOS, patienda a dagitoy nga UFO ket dagiti gangannaet manipud kadagiti dadduma a planeta. No ammotayo ti Biblia, ammotayo no kasano ti pannakaililaw dagiti tattao ti lubong, gapu ta dagitoy nga “agtaytayab a platito (flying saucers),” a kadawyan a

1 Dan. 2:40, 7:19-25, Pal. 13:2-8, 14:8, kap. 17, 18:2-24 2 Isa. 14:12-17, Mat. 25:41, Luc. 10:18, 2 Ped. 2:4, Judas 6, Pal. 12:3-4, 7-9 3 Mat. 2:1-18 4 Dan. 7:13-14, 1 Tim. 6:14-16, Heb. 2:14-15, 1 Juan 3:8, 4:14-15, Pal. 17:14, 19:16 5 Mat. kap. 24

maaw-awagan iti UFO, ket saan a naggapu kadagiti dadduma a planeta. Isuda dagiti “tagabantay,” dagiti angheles ti DIOS, a mang-sursurbey iti lubong sakbay nga agsubli manen ni CRISTO ditoy lubong. Dagiti tagabantay ket agsagsaganada a para iti Panangukom.

Ibagana ti Paltiing 16:1, “Ket nangngegko ti napigsa a timek manipud iti templo nga ibagbagana kadagiti pito nga angheles, Mapan kayo iti daldalanyo, ken ibuyatyo dagiti pagkargaan iti pungtot ti DIOS iti lubong.” Iti Daniel 4:13, “Ti tagabantay [ti anghel] ken ti Nasantoan a Maysa bimmaba manipud Langit” a mangipatungpal iti panangukom ti DIOS iti arogante nga Ari Nebukadnesar, a nangibaga iti Daniel 4:30, “Saan kadi a daytoy ti dakkal a Babilonia, a pinatakderko a para iti balay ti pagarian babaen iti pigsa ti pannakabalinko [imbis a ti pannakabalin ti DIOS], ken para iti dayaw ti kinadaegko [imbis a ti kinadaeg ti DIOS]?”

Adtoy ti panangukom ti DIOS a naited iti tagabantay nga agtrabaho a maibusor ken ni Ari Nebukadnesar: “Kabayatan a ti sao ket adda [pay laeng] iti ngiwat ti [arogante] nga ari, adda ti timek manipud Langit, ket ibagbagana, O ari Nebukadnesar, kenka mayebkas; Ti pagarian ket maagaw kenka. Ket isuda [dagiti tagabantay] papanawendaka manipud kadagiti tattao, ket ti pagtaengam ket iti ayan dagiti animal iti kabangkagan: aramidendaka a mangan iti ruot ti baka, ken mamimpito a daras a labasandaka, agingga a maamoam a ti KANGATOAN a DIOS isu ti mangituray iti pagarian ti tao, ken mangited iti siasinoman a KAYATNA. Iti isu met laeng a kanito ti banag ket napasamak ken ni Nebukadnesar:

ket naipanaw isuna manipud kadagiti tattao, ken nangan iti ruot ti baka, ken ti bagina ket nabasa iti linnaaw ti langit, agingga a ti buokna ket dimmakel a kas iti dutdot ti agila, ken ti kukona kasla iti kaw-wet ti billit” (Daniel 4:31-33).

Iti Jeremias 4:16, imbaga ti DIOS ken ni Jeremias, “Ibagam kadagiti nasion; kitaenyo, maipablaak a maibusor iti Jerusalem, a dagiti tagabantay umayda manipud iti adayo a nasion, ket itedda ti timekda a maibusor iti Juda.” Adda ti dakkal launay a pungtot a maibusor iti ciudad ti Juda. Daytoy ket gapu ta lallaksidenda latta ni JESUS a kas MESIASDA agingga iti daytoy nga aldaw.

Mamatiak a ngannganin amin iti lubong ket familiar kadagiti minilmilion a pannakakita iti kunkunada a UFO (saan a masinunuo a tumatayab a banag / unidentified flying objects), ngem saanda a UFO. Isuda dagiti tagabantay wenno angheles ti DIOS a mangsursurbey iti lubong kadagitoy a maud-udi nga al-aldaw sakbay ti panangukom ti DIOS, ti gibus ti lubong, ti gibus ti panawen. Iti kaasi ti DIOS, IPALPALUBOSNA iti amin a makitada ti ginasgasut a propesia a maipapan iti maud-udi nga aldaw, dagiti pagilasinan, ken pagsiddaawan kas kadagiti tagabantay, dagiti angheles ti DIOS, a mangsursurbey iti lubong iti aw-awaganda nga “agtaytayab a platito (flying saucers)” sakbay iti nadaras a pannakadadaelna (ti lubong). Ti libro ti Joel ipadtona daytoy,⁶ a kas met ken ni Apostol Pedro iti libro dagiti Aramid: “Ket mapasamakto kadagiti maud-udi nga al-aldaw, kuna ti DIOS, ibuyatkonto ti ESPIRITUK iti amin a lasag:

⁶ Joel 2:28-32

ket dagiti annakyo a lalaki ken babai ket agpadtodanto, ken dagiti babbaroyo ket makakitadanto kadagiti sirmata, ken dagiti lallakayyo ket agtagtagainepdanto kadagiti tagtagainep: Ken kadagiti ADIPENKO (lalaki) ken kadagiti ALALAYKO (a babai) ibuyatkonto kadagita nga al-aldaw iti ESPIRITUK; ket agpadtodanto: Ken agipakitaak kadagiti pagsiddaawan iti langit, ken pagilasinan iti daga; dara, ken apoy, ken alingasaw nga asok: Ti init ket agsipngetto, ken ti bulan agbalin a kasla dara, sakbay iti dakkal ken nadayag nga aldaw ti APO nga umay: Ken mapasamakto, a siasinoman nga umawag iti nagan ti APO ket maisalakanto” (Aramid 2:17-21).

Dagiti tagabantay, nga isu dagiti angheles ti Langit, ken datayo a Kristiano (saan a Katoliko), ket mainaig gapu ta ti DIOS pinarsuanatayo nga agpadpada. Ti Dios pinarsuana dagiti angheles, ken ti DIOS pinarsuanatayo. Adda dagiti naiimbaga a tattao, ken adda met dagiti nadadakes a tattao, gapu ta bassit laeng kadatayo ti agtultulnog kadagiti bilin ti DIOS.⁷ Iti Umuna a Juan 2:3-4: “Ken ditoy a wagas a maammoantayo nga am-ammotayo ISUNA, no tungpalentayo dagiti BILINNA. Isuna a mangibaga, am-ammok ISUNA, ngem saanna met a tungpalen dagiti BILINNA, ket ulbod, ken ti kinapudno ket awan kenkuana.”

Dadduma a tattao ket ipalanguadda nga ay-ayatenda ti APO. Nupay kasta, iti inaldaw-aldaw a panagbiagda, saanda met a sungsubatan ti ayab ti DIOS, no di ket saanda nga ikankano ti TIMEKNA. Ti dadduma ibagada nga ay-ayatenda ti APO ngem daytoy ket inton magagaranda laeng nga emosional. Kas pangarigan, no kayatda ti agbuya iti sine, wenno agbuya iti programa iti telebision, kadagiti ay-ayam nga isports, wenno iti musika, adda rikna iti unegda a mangipagel a mapanda, ngem mapanda met latta. Ammoda a saanda koma nga agaramid kadagiti dadakkal a basol, ngem saanda a maseknan maipapan kadagiti ibilbilangda a babassit a banag. No panagkakarakarag kadagiti gimong, mabalin nga agtestimoniada pay a nariknada ti sagid iti ESPIRITU ti APO. Adu dagiti agkunkuna a Kristianoda a kasla kastoy. Kinaagpaysoananna, ti panangayat iti APO iti kastoy a wagas ket awan papaayna.⁸

Ti maysa a kabsat a babai ket mabalin a naregget launay a para iti APO a ti

(Maituloy iti panid 4)

⁷ Mat. 7:13-14, 21-23, Luc. 13:23-30 ⁸ Mat. 7:21-23, kap. 25

Manipud iti 24-Oras a Linyatayo iti Kararag ken Imformasion

Ni ministro a Wilimena Thomas (iti Lauderdale Lake, FL) ket naawatnan ti package na. Amin dagiti babai iti Bible study groupda ket nagtugaw ken nagbasa iti “Ti Armada ken Puersa ti Dios iti Tangatang.” Kunana nga ad-adu ti naadalda manipud iti dayta a piraso ti babasaen ngem iti amin a miministro a dati a dengdengenda iti adun a tawen (saandan a dimngeg iti aniaman kadagitoy iti sumagmamanon a napalabas a tiempo). Rinagrag-o da amin dagiti babasaen ken dumdumngedda kadagiti CDs. Kunada nga awan ti makaipalawag a nasaysayaat kadagiti bambanag a kas iti pamay-an ni Tony. Kunana a pangaasiyo ta itultuloyyo ti agipaw-it kadagiti CDs ken babasaen. Kayatda a maamoantayo nga agtitiponda ken ar-aramidenda ti prayer meetingsda, ken agkarkarakaragda a maipaay ken ni Tony ken ti iglesia. Indawatna manen nga itultuloytayo nga i-update isuna kadagiti babasaen ken CDs. Dinawatna met ti iglesia nga ikarkarakaragda ti tallo a saan pay naisalakan nga appona a nasaksianen iti uneg ti tawtawen.

TI ARMADA KEN PUERSA TI DIOS ITI TANGATANG (DAGITI TAGABANTAY)

(Katuloy ti panid 3)

pinagtitiipon a sangapulo a kakabsat laki ket saan a maikumpara kenkuana. No agsao isuna maipapan iti panagayat ti APO, dagiti dumdungeg kenkuana ket mabalin a masagid ket makaluada. Ngem nakakaskasdaaw ta nu ti isu met laeng a kabsat a babai ket makaunget, awan ti siasinoman a makaanawa kenkuana. Ti natural a biag ket ti saan a pudpudno a biag (ti biag a saan a nagtaud iti DIOS). Maysa nga aldaw, amin a mainaig iti natural a biag ket masapol a maburburak iti pirapiraso. Kasapulantayo ti pudpudno a masagid ti APO tapno makita a ti entusiasmotayo, ti panagpampamarang wenno peke a regget, ti peke nga ayattayo para iti APO, ken iti peke a serbisiotayo para iti APO ket natural amin ken kurang iti elemento ti DIOS, saan a pudno. Urayno no mano a rutap ti landok ken bronse nga aladtayo, ken uray no iti akin-ruar, akin-tengnga, wenno akin-uneg a pagruaran, amin dagitoy ket masapol a malukatan a saggaysa para iti APO, segun iti ESPIRITU iti uneg. Maamiris tayonto a ti ekspresiontayo iti entusiasmo ken regget, saan tayo makita ti APO a MISMO. Makitatayo laeng no magarawtayo wenno masagid babaen iti APO agingga iti punto nga ISUNA ket napudno a mawayawayan manipud iti unegtayo santo makapagbungatayo iti adu a prutas, kas nadakamat iti Juan 15:2. Ti prutas iti kayo

agtaud manipud iti BIAG iti uneg.

Tatta, dagiti tattao a mainaig kadagiti nadakes nga anghes ket dagiti nadakes a tattao. Ngem laglagipentayo, nga ad-adu ti NADIOSAN nga anghes ngem dagiti nadakes nga anghes. Impakita ni Elisio daytoy iti adipenna idi ti armada ti Siria ket linikmotda ida. Dinawat ni Elisio iti APO a lukatanna ti mata ti adipenna tapno makitana nga ad-adu ti adda kenkuada ken ni Elisio ngem dagiti adda kadagiti taga-Siria. Idi inaramidna, “Nakitana, ti bantay a napno kadagiti kabayo ken karuahe ti apoy [ti buyot ti APO] a nanglikmut ken ni Elisio [ken ti adipenna],” a kas iti buyot ti pagarian ti DIOS iti agdama a kadwada dagiti tagabantay a mangliklikmot ken mangprotekta kadatayo, a mangbantay iti amin a banag nga ibagbaga ken ar-aramiden ti tunggal maysa ditoy lubong (2 Ar-ari 6:17). Daytoy ket maar-aramid babaen kadagiti tagabantay ti DIOS nga adda iti amin a lugar iti langit kadagiti agtatayab a platito ken kadagiti tagabantay iti daga—ti armada ken puersa ti DIOS iti tangatang.⁹

Umiso ti panawen ita para iti tunggal maysa iti lubong nga agbabawi kadagiti basbasolda ken sapulenda ti DIOS iti amin a pusoda, kararua, panunot, ken pigsa, nga isu ti umuna ken kaimportantean a bilin.¹⁰ Iti asideg ti akindaya a tangatang ket mapnonto kadagiti pagilasinan iti ANAK ti TAO. Adda sumagmamano a bersikulo a mangipakpakaawat iti daytoy a pasamak. Ti maysa ket manipud iti maikaduapulo ken uppat a kapitulo ti Mateo. Ti maysa

pay ket manipud iti maikadua a kapitulo iti Isaias. Ken ti maysa pay ket manipud iti maika-innem a kapitulo ti Palting.

Ibaga ti Mateo 24:30-51, “Ken agparangto ti pagilasinan iti ANAK ti TAO iti Langit: ken aminto dagiti tribu ti lubong ket agdung-awdanto, ken makitadanto ti ANAK ti TAO nga um-umay kadagiti ulep ti langit nga addaan iti pannakabalin ken dakkel gloria. Ken IBAONNANTO dagiti ANGHELESNA [ti buyot ti APO, dagiti tagabantay] nga addaan iti napigsa nga uni ti trumpeta, ket maurnongdanto dagiti PINILINA manipud iti uppat nga angin, manipud iti ungto ti langit agingga iti bangir. Tatta adalem ti parabulo iti kayo nga higos; No ti sangana ket naganus ken agrusing ti bulong, ammoyun nga umadanin ti kalgaw: isu a kasta met laeng, intuno makitayo amin dagitoy a banbanag, ammoyun nga umadanin, uray pay iti ayan ti ruangan. Pudno ibagak kadakayo, daytoy nga henerasion ket saan a lumabas, agingga nga amin dagitoy a banag ket mapatungpalda. Ti langit ken daga lumabasda, ngem ti SAOK saanda a lumabas... Ngem kas iti panawen ni Noe, kastanto met laeng ti yaay ti ANAK ti TAO. Ta kas kadagiti aldaw sakbay ti layus mangmanganda ken umin-

Peru

(Naipatarus manipud iti Espaniol)

Bendisionannaka ti Dios, Kabsat, ken ti Ministri a Tony Alamo,

Informaranka a para iti gloria ti Dios, addaan kamin iti baro a simbaan. Daytoy ket tallo nga oras manipud iti Sullana, asideg iti Piura, ti lugar a maaw-awagan iti Sechura, nga addaan iti 23 a natataengan a kakabsat ken 33 nga ubbing. Agar-aramid kami ti personal a trabaho, agidandanon kadagiti babasaem iti tunggal balay ket adu ti mayat a maitutuloy a masurwan. Idi kalman nagtitipon kami manen ket adu ti kakabsat nga immay. Inawatda ti Apo ket agtitipon kami iti mamintallo a daras ti dinumingo. Ti gloria ket maipaay iti Apo.

Ngannganin umay ni Apo Jesus.

Andres Chiroque Silva
Tony Alamo Ministries
Sullana, Peru

Kenya

Patgek a Pastor Tony Alamo,

Kablaawanka iti mannakabalin a nagan a nangatngato ngem iti amin a nagan, ti nagan ti Apo tayo ken Mannubbot a ni Jesu-Cristo. Saksakupenmi iti siudadmi babaen kadagiti babasaen nga Alamo nga it-itedyo kanyami. Ab-abutenmi ti tunggal maysa, naisalakanman wenno saan, ket iti napalabas a bulan nakitami ti 15 a tao a naisalakan ken addada iti iglesia. Mainayun pay, naawatmin ti package nga impaw-ityo idi maika-21 ti Disyembre. Kayatmi a pagyamanan dakayo kas agkiddaw kami pay iti ad-adu pay a babasaen ken Biblia ta dakkal ti panagkasapulanmi kadagitoy. Bendisionannaka ti Dios kas itultuloymi nga ikararag a bumaet ti Dios iti situasion ti pastor tayo, ta ammok a babaen iti kararag amin a banag ket posible.

Para kenka iti serbisiona,
Pastor Dalmas Munoko

Bungoma, Kenya



Dagiti Online a Ministri ni Alamo
www.alamoministries.com

inomda, agasawada ken makiasawada, agingga iti aldaw a simrek ni Noe iti daong, saanda nga ammo agingga nga immay ti layus, ket inalana amin ida; kastanto met ti yaay ti ANAK ti TAO... Agsipotkayo ngarud: ta saanyo nga ammo ti oras a yaay ti APOYO. Ngem ammoyo daytoy, a no ti bumalay ket ammona ti tiempo a yaay ti mannanakaw, agbantay isuna ken saanna a sagrapen ti pannakadadael iti balayna. Ngarud sisasagana kayo met koma: ta umay ti ANAK ti TAO iti oras a saanyo nga ipag-pagarup. Sinno ngarud ti matalek ken nasirib nga adipen, nga inaramid ti apona a mangimaton iti balayna, a mangted iti karne iti umiso a tiempo? Nagasat dayta nga adipen, a masarakan ti apona intuno agsubli nga agtrabtrabaho. Pudno ibagak kadakayo, nga aramidennanto isuna a mangimaton iti amin a kukuana. Ngem no ti nadakes nga adipen ket ibagaba iti pusona, itantan pay ti apok ti yaayna; ket rugianna a dangran dagiti padana nga adipen, ket makipangan ken makiinom kadagiti marmartek; Ti apo dayta nga adipen ket umayto iti maysa nga aldaw intuno saanna a sapsapulen isuna, ken iti oras a saanna nga ipagpagarup, ket dusaennanto isuna, ken mapagtalawtoisuna a kadwana dagiti hipokrito: sadiay addanto ti panagsangit ken panagnagaretnget ti ngipen.”

Ti APO inikkannatayo iti nagado a pagilasinan, isu a no dumdumngegka,

saankanto a maabutan a saan mo impagpagarup. Adtoy ti maysa pay a sirmata a pangitutukam iti panunotmo, gapu ta daytoy a sirmata ket mapasamakto a realidad iti as-asideg ngem iti ipagpagarupmo: “Ket nakitak ti Langit a naglukat [daytoy ket maysa manen a sirmata para iti maud-udi a panawen a nagtaud iti DIOS], ken kitaenyo ti puraw a kabayo; ken ISUNA a nakatugaw kenkuana ket maawagan MATALEK ken NAPUDNO, ken iti kinalintegna, ISUNA ket mangukom ken makigubat. Ti MATANA ket kasla iti gil-ayab ti apoy, ken ti ULONA ket addaan iti adu a korona; ken adda ti naganna a naisurat nga awan ti tao a makaammo, ngem ISUNA MISMO laeng. Nakawesan ISUNA iti kawes a naisawsaw iti dara: ken ti NAGANNA ket maawagan iti TI SAO ti DIOS. KEN DAGITI ARMADA NGA ADDA SADI LANGIT KET SUMURSUROT KENKUANA A NAKALUGANDA KADAGITI PURAW A KABKABALYO [daytoy ti APO ken ti BUYOTNA, dagiti tagabantay], a nakawesan iti nalammuyot a de-lana, puraw ken nadalus. Ken manipud iti ngiwatna rumwar ti natadem nga espada, a babaen iti daytoy pamekenna dagiti nasion: ken imatonna ida babaen iti baston a landok [ti SAO ti DIOS]: ken ISUNA ipayatna ti pagpespesan ti ubas gapu iti kinaunget ken pungtot ti KAENDAKLAN A DIOS. Ken adda iti kagay ken luppona ti nagan

a nakasurat, ARI DAGITI AR-ARI, KEN APO DAGITI AP-APO [Daytoy ni JESUS nga APOTAYO.]” (Paltiing 19:11-16).

Agbibiatayo iti agdama kadagiti maud-udi a sumagmamano a minuto iti gibus ti panawen. Amin dagiti pagilasinan ket addadan. Ti gobierno ti maysa-a-lubong ti Anti-Cristo ken agop-operaren tatta. Ti dibisyon ti puersa ti DIOS iti tangatang ket agop-operar metten iti tawtawen a napalpalabas, ken ginasgasut a milyon ti tattao ti nakakitan kadakuada (dagiti agtatayab a platito, dagiti tagabantay, dagiti angheles, ti royal a puersa ti DIOS iti tangatang). Iparparammag ti Papa idiy Roma ti kinapintas ti Baro nga Urnos ti Lubong wenno ti New World Order. Adda dagiti tsunami, dadakkel a dalluyon, gingined, ti amin a klase ti didigra, saksakit, kinagulo dagiti nasion, pannakaidadan, ken ginasgasut a lunlunod iti nadumaduma a klase.

Mabalin laeng a sika ket naimbag wenno dakes.¹¹ Mabalinmo laeng nga awaten ni CRISTO kas MANNUBBOTMO, wenno laksiden ISUNA. Piliem ISUNA tattan, sakbay a maladaw ti amin. Maysa ka laeng nga anges, maysa a pitik iti puso, manipud iti agnanayon.¹² Para iti pagsayaatan ti

(Maituloy iti panid 8)

11 Mat. 7:15-20, San. 3:11-12, Pal. 20:11-15, 21:7-8, 24-27, 22:11-12, 14-15 12 Eccl. 3:19, Isa. 2:22

Ti Testimonio ni Steven Wedel

Ti naganko ket Steven Wedel. Nagbalin a 59 ti tawenko idi murdong ti Oktubre, 2012. Inawatko ni Cristo kas personal a mangisalakanko idi Nobyembre 4, 1971. Kaskastrekko laeng iti tawen nga 18 maysa a domingo saksakbay. No saan a simrek ni Cristo iti biagko iti dayta a tiempo, mabalin a mabasam iti obituario ti maipapan kaniak iti napalpalabas a tawen, imbes a ti oportunidad a basaem ti testimonio maipapan iti pannakabalin ti Dios ken abilidad a mangbaliw iti biag ti tao a basbasaem tatta.

Idi naggraduarak manipud iti hi-skul iti spring ti 1971, awan ti ambisionko nga agtuloy iti kolegio. Maysaak a pseudo-hippie. Biniahek ti dalan a mapan iti San Francisco, California, iti damo a kadwak dagiti gagayemko iti lugan, idi kuan babaen iti panagparak kadagiti aglablabas a lugan, ket nakilugluganak manipud iti San Francisco inggana iti Boulder, Colorado, ken pasubli manen iti California, ngem iti daytoy

a tiempo mapan met iti Los Angeles imbes nga iti San Francisco.

Ti inang ti gayyemko a kadwak nga agbibiahe ket addaan iti dakkel unay ken napintas a balay idiy Beverly Hills. Inimbitarannakami a makigian kenkuana iti sumagmamano a tiempo, agingga a makasapol kami iti trabaho ken apartment nga umalisanmi. Ti balayna ket addaan iti napintas a swimming pool iti ruar ken iti katulong a mangaramid iti amin a panagatang ken panagluto a para kadakami. Maysa koma daytoy a nasayaat a panagbakasyon a rumbeng a rag-oen, ngem isu ti kamiserablean a tiempo ti panagbiagko.

Nariknak iti unegko ti naan-anay a pannakapukawko ken iti kinaawan iti namnama ti biagko. Awan ti makaikkat iti agtultuloy a pannakatikaw ti panunot ken kararuak maipapan iti kayat a saoen ken panggep ti biag. Ti panagriknak ket nakulungak iti unegko. Kayat ko ti biag nga



Ni kabsat a Steven Wedel

addaan kaipapananna, maysa a makatulong iti dadduma. Nadismayaak iti kondision ti lubong nga adda iti aglawlawko, ti korupsiyon, iti kinaawan iti biang wenno apatia, dagiti krimen ken pannakaybuyat iti dara. Kayatko ti agbiag iti lubong nga addan kappia ken pinanunotko a ti hippie movement idiy California ti makaited kaniak kadagiti alternatibo a sungbat iti sistema ti aglawlaw a nakagulgulo launay.

(Maituloy iti panid 6)

Ti Testimonio ni Steven Wedel

(Katuloy ti panid 5)

Pinanunotko a ti panagsigarilio iti pot ken hashish, panagtumar iti LSD ken dadduma a hallucinogenic a droga ket makaited iti kapampanunotan a tartarigagayak, iti panangbirok iti rason a para iti biagko. Saanko a kayat ti ordinario a biag nga awan pulos ti kaypapananna, ken iti awan direksionna a masakbayan. Kayatko a maammoan no ania a talaga ti nakaipanggepan ti biag. Ti inaramid laeng dagiti droga ket iti panangtakawda iti kinatino a nabatbati kaniak ket imbatina kaniak ti nakabasbasit nga abilidadko nga agpanunot iti aniaman a banag. Ti panagkunak ket mabagbagtitakon ket awan panagduduak ti maipapan ditoy, mabalin a nabagtitak. Ngem saanak pulos a napadakkel iti daytoy a wagas.

Binusbos ko dagiti nasapsapa a tawtawenkeno iti ballasiw-taaw. Ti tatangko ket nakipagtrabaho iti Internasional a YMCA idiay Tokyo, Japan, ken napudno kami nga umat-atendar iti simbaan iti dinominggo iti maysa a saan a nadenominasionan a simbaan. Kankanayon a naisursuro kaniak a Kristiano kami, ket kankanayon a naisursuro kaniak nga agbalin kami a mannakitao, a tumulong iti dadduma. Ammok a ti Paskua ken ti Nangina nga aldaw ket espesial a panawen, nga awan ti bibiangda ken ni Santa Claus wenno ti Easter bunny. Patiek iti espirituk, a kas pasien iti kaadduan nga ubbing, nga adda iti Namarsua, ti Dios a nangaramid iti amin a banag, a karamanakun. Naisuro kaniak a patiek ni Jesu-Cristo kas isu ti Mangisalakán, ngem awan ti aniaman nga ammon maipapan iti pudno a kinasiasino ni Jesus. Awan ti pannakabalinko iti biagko, awanan ti pigsa tapno saan nga agbasol, ken pudno, iti panangkitak iti napalabas, awan a pulos kadagiti simbaan a napnapanak iti nangisuro no ania a talaga ti basol. Saan ko pulos a nangnanggeg ti termino a “pannakaiyanak manen iti Espiritu” ken saan ko pulos a nasaksian iti panagayab iti altar no sadino ti kararua ket maisalakan iti amin kadagidiay a simbaan. Natayda a naespirituan a kas met laeng kaniak.

Addaak idi iti maikasangapul a tukad iti eskuelaan idi a ti familiami ket nagsubli idiay Estados Unidos. Saan ko kayaten iti agtalinaed a natay a naespirituan. Amin dagiti tattao iti aglawlawko ket kadawyan nga “ag-tune in,” “ag-turn on,” ken “agdrop out” wenno iti sabali a pannarita, suppiatenda

amin a banag iti komunidad nga ayanda. Rinugiak ti napudno a nagsapol kadagiti sungbat kadagiti saludsod iti unegko a maipapan iti biag, patay, agnanayon, ken panggep. Nagbasaak kadagiti libro dagiti relihion iti Adayo a Daya, dagiti mistikal a relihion, relihion dagiti Native American Indian, pilpilosofo, liblibro maipapan kadagiti kapanpanunutan ken prinsipio dagiti tattao, libro maipapan iti komunismo, sosialismo, kapitalismo—amin a napanpanunotko. Binasak ti Biblia ngem iti dayta a tiempo, awan ti Espiritu ti Dios iti unegko, isu a saan ko a maawatan. Prinaktis ko iti chanting, yoga, pannagna iti bakbakir, iti panangsigurado a saanak a makapayat kadagiti sabong, tapno umas-asidegak iti Dios. Awan ti makapunpunno iti kinakawaw iti unegko. Awan ti nagbalin kadagito.

Saan ko nga ammo idi ngem ammokon tatta, a daytoy ket ti Apo a mangkomkombiktar kaniak ken mangiyapan kaniak iti lugar a mapagpakumbabana iti nasikkil a kinapalanguadko iti panangawatko kenkuana kas Apo ken Mannubbotko. Impalubosna iti tunggal

pagpilian tapno mautuyan. Saan a nasisita a kastoy met ti panagtrabahona kenka, ngem ammona nga isu laeng ti wagas para kaniak tapno mamurmurayanak. Impalubosna a mapanak idiay California tapno maidanunnak iti daytoy a panggep. Nagtrabtrabaho isuna kaniak, ngem saan ko nga ammo dayta.

Idiay Hollywood, California, saanka a makaadayo iti 200 a piye a pababa iti Hollywood Blvd. a saanmo a masabat dagiti agsaksaksi manipud iti Tony ken Susan Alamo Christian Foundation. Addada iti amin a papanam. Iti tunggal kanito nga addaak iti Hollywood, nga agbirok iti trabaho wenno agpalabas laeng iti oras, addada iti amin a lugar nga agiyaw-awat iti pulyeto a maipapan iti naimbag a damag ken agim-imbata kadagiti tattao nga umay kadagiti gimongda iti simbaanda. Napnoanda iti regget a para iti Dios. Nasaksian iti maipapan iti Apo iti sumagmamano a daras ken



Dagiti kakabsat a lallaki ken babbai iti Alamo Ministry nga agminministro kadagiti natataengan kadagiti nursing homes

naimbitarak nga umay iti simbaan a kas iti adu a dadduma, ngem nagkedkedak kadagiti imbitasionda iti paulit-ulit. Napnoanak pay laeng iti bukodko a daldalan a dumngeg iti dadduma a mangibaga kaniak maipapan ken ni Jesus. Ngem adu ti kanito iti kinaulimek ti oras ti rabii, no ti gulo ti bigat ket agsardeng ket agmaymaysaakun, rugian iti Apo ti mangiumay iti lagip kadagiti bambanag nga imbagbaga dagitoy a Kristiano, dagiti bersikulo nga impakpakitada kaniak iti Biblia maipapan iti maud-udi nga alaldaw, dagiti bambanag a nalaka a makita iti aglawlaw, berbersikulo maipapan iti agnanayon a biag ken iti Impierno a mangaramid kaniak a masdaaw maipapan kadagiti bambanag. Iti ruar, ni Satanas ket guyguyudennak pay laeng, ngem iti uneg ti Dios ket burburakennak.

Iti maysa a malem, lineppas iti Dios ti inrugina kadagiti agsisilpo a paspasamak. Nariknak a kasla adda mapaspasamak iti biagko ngem diak ammo no ania dayta. Nasarakak manen ti bagik iti Hollywood Boulevard iti dayta nga aldaw, saanko a birbiruken dagiti kakabsat a lallaki ken babbai manipud iti simbaan, ngem padpadasek a lisian ida. Ngem nasalapun ko ketdi ti maysa a kabsat a babai nga agsaksaksi iti sulit ti eskenita a nagiyawat laeng iti pulyetoy a maipapan iti ebanghelyo ken inimitan a mapan iti simbaan iti dayta a rabii. Nangtedak iti nakapsot a rason ta imbagak a “Pagpanunotak ti maipapan iti dayta.” Simmungbat a sigud ket kunana, “No siak ket pagpanunotak a talaga ti maipapan dita, ta mabalin a daytoyen ti maudi a tsansam nga ited iti Dios maipaay iti pannakaisalakanmo!” Awanen ti aniaman nga ibagana a makaapektar pay kaniak iti nakarkaropay. Ti laeng kapanpanunutanen a ti Dios Mismo ket agsardengen a mangkombiktar kaniak ti timmama kaniak iti kasla natangtangken pay ngem iti maso a nagdisso iti ulok. Pinasardengnak a kasla natay iti dalanko. Agbagtitak, ngem saan a nakaro unay tapno saan ko a maammoan a ti panangibati ti Dios kaniak nga agmaymaysa ti maudi a kayat ko a mapasamak. Daytoy kinigtotnak. Siak ket namiserable un-unayen.

Nagnaak a diretso a pababa iti Hollywood Boulevard ken pangato iti igid ti eskinita nga addaan iti dadakkel a babbalay ken nalalawa nga arubayan iti sibayna. Nagtugawak iti maysa kadagiti arubayan ken nagurayak sadiay agingga a ngannganin madanon ti oras ti bus nga agsundo kadagiti tattao a mapan iti simbaan ket nagnaak a napan iti

lugar a pagkarkargaan ti bus ket nangalaak iti tugaw ko.

Ti panagbyahe a mapan iti simbaan idia Saugus ket medyo atiddog, ngem ti panagriknak ket bumalayak. Maysa kadagiti Kristiano a kabsat ket inruarna ti gitarana ken indalanna iti amin a karga ti bus a tattao a nagkanta iti kankanta a maipapan iti ebanghelyo agingga a nakadanun kami idia. Nariknak nga adda ti dakkel a kappiak uray nu amin dagitoy ket makaikawa kaniak iti dayta a kanito.

Idi nakadanun kami iti kapilya, amin dagiti bisita nga immay iti bus ket naawis a sumrek ken agtugaw para iti gimong. Saanak pay a nakaap-apan iti kapilya a kas iti daytoy idi, maysa a marikna a nabia. Daytoy a simbaan ket nabbiag ta saan a kas kadagiti napnapanak idi a ti panagriknak ket natay a naespirituan. Dagitoy a kakabsat a lallaki ken babbai idi mannarimaan iti gimong ket agkankantada kadagiti kankanta a maipapan iti ebanghelyo iti amin a pigsada. Itagtag-ayda dagiti im-imada ket idaydayawda ti Apo. Kasla ti tunggal maysa iti dayta a rabii iti simbaan ket nangted iti naiduma a klase ti testimonio maipapan iti inaramidan ti Dios kadagiti bibiagda. Dagiti dadduma ket nagdroga a kas kaniak idi, dagiti met dadduma ket saan. Dagiti dadduma ket dati a naibalud; ti dadduma ket naggapu kadagiti napapanglaw a lugar ket ti dadduma met ket kadagiti nangangato a tukad ti komunidad. Dagitoy a tattao ket dati da a kas iti agdama a kasasaad ko—miserable ken napukaw. Iproklamada amin a ni Cristo ti Mangisalakanda. Saandan a napukaw a kararu, ngem nasarakandan. Iti kararuak, kayat ko met ti impakitada iti dayta a servisio iti dayta a rabii. Kayat ko dayta a biag, ngem saanak pay laeng a sigurado ti maipapan iti adu a bambanag. Ni Satanas ket agipurpurwak iti minilmilion a panagduadua kaniak iti maudi a panggepna a mangipagel a maisalakanak. Ti Biblia ibagana, “Mamatika ken ni Apo Jesu-Cristo ket maisalakanka.” Iti panagayabda iti altar iti dayta a rabii, nakaibbat ni Satanas iti panangtengngelna kaniak. Namatiak ken ni Apo Jesu-Cristo iti dayta a rabii kadagiti tumtumengko iti sangoanan iti dayta a kongregasion ket naisalakanak! Madaydayaw ti Dios! Madaydayaw ti Apo iti agnanayon gapu iti anosna ken iti kaasina kaniak! Naiyanakak a nabalaliwan!

Nariknak a ti Apo simrek iti pusok iti dayta a rabii ket saan ko nga ipalubos a maawan dayta. Iti papanko iti kwarto a pagkararagan kalpasan iti gimung ken iti

pannakaamokon iti kinapudno nga adda a talaga ti Dios iti Langit a maseknan kaniak ken sumungsungbat iti kararag ti kadakkelan a rikna iti liwliwa a naamoak. Ti balor nga imbaya ni Cristo para iti daytoy ket iti mismo a darana. Natay isuna tapno mabalin tayo ti agbiag. Inyapannak iti lugar a saan ko a malipatan iti dayta a rabii. Intedna kaniak ti bautismo iti Nasantoan nga Espiritu agarup dua a dominggo kalpasan daytoy. Awan a pulos ti makakombinsar kaniak kalpasan dagitoy a pasamak a ti Dios ket saan a pudno. Isuna ket nabia nga agnanayon. Insalakannak ket mabalinnaka met nga isalakan. Nakitak ti rinibribu a tattao a naiyeg ken Cristo babaen iti daytoy a ministerio nanipud idi. Nakitak ti nakaad-adu a tattao a naagasan babaen iti pannakabalin ti Dios manipud iti saksakit ken sagubani nga adda kadakuada. Nakitak dagiti biag a naburburak (a kas kaniak) a nagbalin a produktibo. Saan ko nga isukat daytoy biag a nakristianoan iti aniaman a mabalin a maited ti lubong.

Da Tony ken Susan Alamo ket tattao nga inusar ti Dios a mangiserrek kadagiti tattao iti rinubon-ribu manipud iti tunggal klase ti biag a mapan iti baro a biag ken Cristo. Inaramidda a dua daytoy a saan a naibubukodan. Saan da a pulos a nagdaw-dawat iti sinoman ti aniaman a kasukat, iti laeng panagserbi tayo iti Apo. Ni Susan ket napan a nakiadda iti Apo idi 1982 ken ni Tony ket nagtultuloy iti ebanghelyo iti inaldaw manipud idi. Agtultuloy pay laeng isuna. Siak, ken adu pay a dadduma, ket agyamyaman launay kadakuada saan laeng a gapu iti kinaadda ti regget iti Dios kadakuada a mangibaon kadagiti tagasaksi kadagiti eskinita iti inaldaw tapno danunenda dagiti dadduma nga agkasapulan iti tulong, ngem babaen pay iti panangitedda kadagiti lugar a mabalin a pagtaengan dagiti tattao a kas kaniak nga agbiag iti naikonsakrar, nadosan a biag ken saan a matiliw kadagiti aramid daytoy nadakes a lubong. Madaydayaw ti Apo!

No basbasaem daytoy a testimonio ket saan ka pay a naisalakan, saan kan nga aguray pay. Ni Jesus ti pudpudno a Mannubbot iti lubong, ket mabalinna nga ited iti aniaman a tartarigagayam. Insalakannak, inikkannak iti banag a mabalinko nga ipukkaw, banag a mabalinko a pagbiagan ken mabalinko met a pakatayan. Mabalinna met nga aramiden dayta kenka. Saan kan nga aguray pay. Dawatem a sumrek dita pusom itan!

Madaydayaw ti Apo,
Steven Wedel

TI ARMADA KEN PUERSA TI DIOS ITI TANGATANG (DAGITI TAGABANTAY)

(Katuloy ti panid 5)

kararuam nu ibagam daytoy a kararag. Kalpasanna agpabautisarka, iti naan-anay a pannakairareb iti danum, iti nagan ti AMA, ti ANAK, ken ti ESPIRITU SANTO.¹³ Adalem ti King James Version a Biblia ken tungpalem dagiti bilbilinna.¹⁴ Magnaka iti ESPIRITU ti DIOS.¹⁵

APOK ken DIOSKO, maasi Ka kadi iti kararuak a managbasol.¹⁶ Mamatiak a ni JESU-CRISTO ket isu ti ANAK ti sibibiag a DIOS.¹⁷ Mamatiak a natay ISUNA idiaay crus ken imbayatna iti napateg a DARANA para iti pannakapakawan iti amin a napalabas a basolko.¹⁸ Mamatiak a ti DIOS pinagungarna ni JESUS manipud iti patay babaen iti pannakabalin ti NASANTOAN NGA ESPIRITU,¹⁹ ken agtugtugaw ISUNA iti makannawan nga ima ti DIOS ket iti agdama a dengdenggenna iti panangikonfesariko iti basolko ken iti daytoy a kararag.²⁰ Ilukat ko ti ruangan daytoy pusok, ket AWISENKA ditoy pusok, APO JESUS.²¹ Ugasam amin dagiti narugit a basolko

babaen iti napateg a dara nga IMBUY-ATMO iti lugarko iti krus idiaay Kalbario.²² SAANNAKTO a paglikudan, APO JESUS; PAKAWANEMTO dagiti basolko ken isalakanmo iti kararuak. Ammok gapu ta ti SAOM, ti Biblia, isu ti ibagana.²³ Ibagati SAOM a SAANMONTA a paglikudan iti siasinoman, ket mairamanak dita.²⁴ Ngarud, ammok a NANGNGEGNAK, ken ammok a SINUNGBATANNAK, ken ammok a naisalakanakon.²⁵ Agyamanak KENKA, APO JESUS, iti panangisalakankamo ditoy kararuak, ket ipakitak iti panagyamanko babaen iti panagtulnogko kas AGMANDARKA ken babaen iti saan- nkon a panagbasol.²⁶

Kalpasan ti pannakaisalakan, ni Jesus imbagana nga agpabautisarka iti naan-anay a pannakaipabatok iti danum, iti nagan ti AMA, ken ti ANAK, ken ti ESPIRITU SANTO.²⁷ Adalem ti Santa Biblia [ti Ingles a King James Version] ken aramidem no ania ti ibagana.²⁸

Ti APO kayatna nga ibagam iti dadduma ti pannakaisalakanmo. Mabalainmo ti agbalin a tagawaras kadagiti babasaen a maipapan iti Ebanghelyo nga insurat ni Pastor Tony Alamo. Ipaw-itmi ti babasaen kenka nga awan bayadna. Agtawag wenno ag-email ka kanyami para iti ad-adupay nga

impormasyon. Ibingaymo daytoy a mensahe iti dadduma.

No kayatmo ti lubong a maisalakan, kas inmandar ni JESUS, saanmo ngarud a tak-takawan ti DIOS kadagiti KUKUANA nga apagkapullo ken datdaton. Kuna ti DIOS, “Takawan kadi ti tao iti DIOS? Ngem TAK-TAKAWANDAK. Ngem ibagayo, sadinno ti nangtakawanmi KENKA? Kadagiti apagkapullo ken datdaton. Nailunod kayo iti lunod: gapu ta TINAKAWANDAK, uray pay daytoy buo a nasion [ken daytoy buo a lubong]. Yegyo amin dagiti apagkapullo [ti apagkapullo ket iti 10% iti amin a pastre- kmo] iti kamalig, tapno addanto ti karne [Naespirituan a makan] iti BALAYKO [naisalakan a karkararua], ken PADASEN- DAK iti daytoy, kuna ti APO dagiti BUY- BUYOT, no saankonto nga ilukat kenka dagiti tawtaw ti Langit, ken ibuyatko kenka ti bendision, nga awanto ti kwarto a mak- laon a mangawat iti daytoy. Ken ungtakto ti mangdadael para kadakayo, ket saannanto a dadaelen dagiti bunga ti dagayo; uray pay dagiti ubasyo saanda nga ited ti bungada sakbay iti panawenna, kuna ti APO dagiti BUYBUYOT. Ken amin dagiti nasion ket awagandakanto a nabendisionan: ta sikanto ket makaay-ayo a daga, kuna ti APO dagiti BUYBUYOT” (Malakias 3:8-12).

13 Mat. 28:19-20 14 2 Tim. 2:15, 3:14-17 15 Ezek. 36:27, Rom. 8:1-14, Gal. 5:16-25 16 Sal. 51:5, Rom. 3:10-12, 23 17 Mat. 26:63-64, 27:54, Luc. 1:30-33, Juan 9:35-37, Rom. 1:3-4 18 Ara. 4:12, 20:28, Rom. 3:25, 1 Juan 1:7, Pal. 5:9 19 Sal. 16:9-10, Mat. 28:5-7, Marc. 16:9, 12, 14, Juan 2:19, 21, 10:17-18, 11:25, Ara. 2:24, 3:15, Rom. 8:11, 1 Cor. 15:3-7 20 Luc. 22:69, Ara. 2:25-36, Heb. 10:12-13 21 1 Cor. 3:16, Pal. 3:20 22 Ef. 2:13-22, Heb. 9:22, 13:12, 20-21, 1 Juan 1:7, Pal. 1:5, 7:14 23 Mat. 26:28, Ara. 2:21, 4:12, Ef. 1:7, Col. 1:14 24 Mat. 21:22, Juan 6:35, 37-40, Rom. 10:13 25 Heb. 11:6 26 Juan 5:14, 8:11, Rom. 6:4, 1 Cor. 15:10, Pal. 7:14, 22:14 27 Mat. 28:18-20, Juan 3:5, Ara. 2:38, 19:3-5 28 Deut. 4:29, 13:4, 26:16, Jos. 1:8, 22:5, 2 Tim. 2:15, 3:14-17, San. 1:22-25, Pal. 3:18

Kontaken dakami para iti ad-adupay nga informasion wenno babasaen iti dadduma a topiko nga ayan ti interesmo.

Tony Alamo, World Pastor, Tony Alamo Christian Ministries Worldwide • P.O. Box 2948, Hollywood, CA 90078 USA

Linya ti 24-Oras a Panagkararag ken Imformasion: (661) 252-5686 • Fax (661) 252-4362

www.alamoministries.com • info@alamoministries.com

Ti Sangalubongan a Nakristianoan a Ministri ni Tony Alamo ket mangipaay iti lugar a mabalin a pagtalinaedan nga addaan kadagiti bambanag a nasken iti panagbiag para kadagidiay adda iti lokasion ti U.S. a pudno nga agtarigagay nga agserbi iti APO iti amin a puso, kararua, panunot ken pigsa.

Dagiti Gimong a maar-aramid iti Ciudad ti New York Tunggal Martes iti 8 P.M. ken iti dadduma a lokasion iti rinabii.

Tawagan (908) 937-5723 para iti informasion. ADDA MAIDASAR A MAKAN KALPASAN TI TUNGGA GIMONG.

Dawatem iti libro ni Pastor Alamo, Ti Mesias, a mangiparang ken ni Cristo manipud iti Daan a Tulag iti nasurok a 333 a padto.

Makipagtrabahoka iti panagapit iti kararua babaen iti panangiwarasmo kadagiti babasaen a sinurat ni Pastor Alamo.

Amin dagiti babasaen ken dedenggen a mensahe ket awan bayadna, agramanen ti pannakaibusonna.

Nu adda ti agpabpayad kadakayo, tawagam daytoy a numero (661) 252-5686 collect.

LINAON DAYTOY A BABASAEN TI PUDNO A PANGGEP TI DIOS A PANANGISALAKAN (Aramid 4:12).

SAAN MO NGA IBELBELLENG, IPASAM ITI SABALI.

Kadakayo nga adda iti dadduma a nasion, awisendakayo a mangipatarus iti daytoy a babasaen iti bukodyo a pagsasao.

Nu iprintayo manen, inayunyo daytoy a kalintegan ti kopya ken pannakairehistro:

© Kalintegan iti kopya Pebrero 2013, 2014 Amin a kalintegan naited World Pastor Tony Alamo © Pannakarehistro Pebrero 2013, 2014

ILOCANO—VOLUME 17400—THE ARMY AND AIR FORCE OF GOD (THE WATCHERS)